



SLUŽBENE NOVINE SREDNJOBOSANSKOG KANTONA

Broj 8

17. augusta 2016.
T R A V N I K

Godina XX.

P R E D S J E D A V A J U Ć I SKUPŠTINE SREDNJOBOSANSKOG KANTONA

400

Na osnovu tačke j) stava 1. člana 32a. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim

U K A Z O PROGLAŠENJU ZAKONA O IZMJENAMA I DOPUNAMA ZAKONA O ŠUMAMA

I.

Prolašavam Zakon o izmjenama i dopunama Zakona o šumama, koji je donijela Skupština Srednjobosanskog kantona na XVI. sjednici održanoj 12. jula 2016. godine.

Broj: 01-02-423/16
13. jula 2016.
Travnik

PREDSJEDAVALJUĆI SKUPŠTINE
Josip Kvasina, s. r.

**

S K U P Š T I N A SREDNJOBOSANSKOG KANTONA

401

Z A K O N O IZMJENAMA I DOPUNAMA ZAKONA O ŠUMAMA

Član 1.

U Zakonu o šumama ("Službene novine Srednjobosanskog kantona", broj: 5/14 i 12/15) stav (8) člana 5. mijenja se i glasi:

"(8) Šumskoprivrednu osnovu za državne šume donosi kantonalno ministarstvo nadležno za poslove šumarstva, uz pribavljenu saglasnost Federalnog ministarstva poljoprivrede, vodoprivrede i šumarstva koja se izdaje na osnovu prijedloga stručne komisije i mišljenja općine."

U stavu (9) iza riječi "komisije" dodaju se riječi: "i mišljenja općine".

Član 2.

U članu 7. dodaje se novi stav (8) koji glasi:

"(8) Pravilnik o načinu i obliku vođenja evidencija, knjiga i registara donosi ministar, uz saglasnost Vlade Kantona."

Član 3.

U stavu (6) člana 8. iza riječi: "šumskoprivrednom osnovom," dodaju se riječi: "ili u suprotnosti s projektom za izvođenje".

Iza stava (7) dodaje se novi stav (8) koji glasi:

"(8) Pravilnik o načinu obračunavanja naknade štete za oštećene ili posječene šumske proizvode donosi ministar, uz saglasnost Vlade Kantona."

Član 4.

U stavu (3) člana 9., u 10. retku iza riječi "struci" stavlja se tačka, a ostatak teksta zamjenjuje se rečenicom:

"Doznaku stabala u izdanačkim i niskim šumama te doznaku slučajnih užitaka može raditi i lice s visokim obrazovanjem I. ciklusa bolonjskog sistema obrazovanja (180 ECTS bodova) šumarske struke – odsjek šumarstvo (bachelor), s jednom godinom radnog iskustva u struci, i šumarski tehničar, s pet godina radnog iskustva u struci."

Član 5.

Stav (4) člana 16. mijenja se i glasi:

"(4) Prometom drva i nedravnih šumskih proizvoda, u smislu ovoga zakona, smatra se prijevoz saobraćajnicama te kupovina, prodaja, darivanje i skladištenje drva i nedravnih šumskih proizvoda, kao i primanje drva u pilanu u kojoj se drvo reže te primanje nedravnih šumskih proizvoda radi njihove distribucije ili prerade."

U stavu (10) riječi: "korisnika državne šume" brišu se.

Član 6.

U stavu (3) člana 19. broj "16." zamjenjuje se brojem "17."

Član 7.

U stavu (2) člana 30. riječi: "nadležnog ministarstva," brišu se.

Član 8.

U stavu (3) člana 31. riječ "dospjelošću" zamjenjuje se riječju "dosjelošću".

Član 9.

Stav (3) člana 32. briše se.

Dosadašnji stavovi (4) i (5) postaju stavovi (3) i (4).

U dosadašnjem stavu (4) riječi: "i / ili zapisnika čuvara šume" brišu se.

U dosadašnjem stavu (5) riječ "dospjelošću" zamjenjuje se riječju "dosjelošću".

Član 10.

U stavu (4) člana 39. iza broja "VII." dodaju se riječ i broj: "ili VII/1".

Član 11.

U tački f) stava (5) člana 53. riječi: "privatnim šumama" zamjenjuju se riječju "šumi".

U tački l) stava (5) riječi: "te iznosu štete" zamjenjuju se riječima: "te počinjenoj šteti".

U stavu (8) riječi: "službenoj zabilješci" zamjenjuju se riječju "zahtjevu".

Član 12.

U tački f) stava (1) člana 63., u drugom retku iza riječi "sječu" dodaju se riječi: "i/ili prije izrade i donošenja projekta za izvođenje".

U tački l) stava (1) broj "(5)" zamjenjuje se brojem "(4)".

Član 13.

U tački b) stava (1) člana 64. iza riječi: "ovoga zakona]" dodaju se riječi: "ili ako ne postupi u skladu sa stavom (6) člana 8. ovoga zakona".

U tački c) iza riječi: "ovoga zakona]" dodaju se riječi: "ili ne poštuje odredbe Pravilnika o načinu odabiranja i doznake stabala ili površina za sječu te sječe stabala".

Član 14.

Tačka k) stava (1) člana 65. mijenja se i glasi:

"k) ako stavlja u promet drvne i nedrvne šumske proizvode suprotno odredbama stavova (1), (3) i (4) člana 16. ovoga zakona;"

Član 15.

U stavu (1) člana 66. iza tačke a) dodaje se nova tačka aa) koja glasi:

"aa) ako obavlja sječu stabala prije njihova odabiranja i obilježavanja [stav (1) člana 8. ovoga zakona].

U tački q) stava (1) riječ "nalogu" zamjenjuje se riječju "zahtjevu", a iza broja "32." dodaju se riječi: "i tačka b) stava (5) člana 53.".

Član 16.

U članu 69. dodaje se novi stav (2) koji glasi:

"(2) Objavljeni Pravilnik o načinu i obliku vođenja evidencija, knjiga i registara, iz stava (8) člana 7. ovoga zakona, i objavljeni Pravilnik o načinu obračunavanja naknade štete za oštećene ili posječene šumske proizvode, iz stava (8) člana 8. ovoga zakona, primjenjuju se na način regulisan tim pravilnicima."

Član 17.

Ovaj zakon stupa na snagu narednoga dana od dana objave u "Službenim novinama Srednjobosanskog kantona".

Broj: 01-02-424/16

PREDSJEDAVAJUĆI SKUPŠTINE

13. jula 2016.

Travnik

Josip Kvasina, s. r.

**

402

Na osnovu članova 3., 5. i 6. Zakona o ustanovama ("Službeni list Republike Bosne i Hercegovine", broj: 6/92, 8/93 i 13/94), stava 2. člana 9. Zakona o srednjoj školi ("Službene novine Srednjobosanskog kantona", broj: 11/01, 17/04 i 15/12) i člana 109. Poslovnika Skupštine Srednjobosanskog kantona ("Službene novine Srednjobosanskog kantona", broj: 3/04 i 6/13) te Zaključka Skupštine Srednjobosanskog kantona, broj: 01-38-344/16 od 2. juna 2016. godine, Skupština Srednjobosanskog kantona, na XVI. sjednici održanoj 12. jula 2016. godine, donosi

O D L U K U O OSNIVANJU MJEŠOVITE SREDNJE ŠKOLE "JAJCE"

I. OSNOVNE ODREDBE

Član 1.

(Osnivanje Škole)

Ovom odlukom osniva se Mješovita srednja škola "Jajce" kao javna ustanova za srednje obrazovanje i odgoj učenika koji su završili osnovnu školu, u kojoj će se realizovati programi gimnazije, medicinske, tehničke i srodnih škola te stručnih škola, kao i ostali programi u skladu sa zakonom.

Član 2.

(Naziv i sjedište Škole)

(1) Naziv škole iz člana 1. ove odluke je: Mješovita srednja škola "Jajce" (u daljnjem tekstu: Škola).

(2) Sjedište Škole je u zgradi Srednje škole "Nikola Šop", Kokića bašta b. b., Jajce, općina Jajce.

Član 3.

(Svojtvo pravnoga lica)

(1) Škola je pravno lice.

(2) Škola je samostalna u obavljanju svoje djelatnosti i poslovanju u skladu sa zakonom, propisima utemeljenim na zakonu, ovom odlukom i statutom Škole, te stručnim normama, savremenim naučnim postignućima i pravilima struke.

Član 4.

(Zastupanje i predstavljanje Škole)

U pravnom prometu Školu zastupa i predstavlja direktor Škole, u skladu sa zakonom.

Član 5.

(Osnivač Škole)

Osnivač Škole je Skupština Srednjobosanskog kantona.

II. DJELATNOST ŠKOLE

Član 6.

(Djelatnost Škole)

(1) Škola obavlja djelatnost srednjeg odgoja i obrazovanja koja obuhvaća gimnaziju, medicinsku, tehničku i srodne škole te stručne škole, kao i ostale programe u skladu sa zakonom.

(2) Djelatnost Škole se ostvaruje na osnovu odobrenih nastavnih planova i programa za gimnaziju, medicinsku, tehničku i srodne škole te stručne škole, kao i ostale programe u skladu sa zakonom, na jezicima i pismima konstitutivnih naroda, te osiguranjem odgovarajućega broja nastavnika i stručnih saradnika pod uvjetima i na način propisan nastavnim planom i programom, pedagoškim standardima i zakonom.

(3) Škola će u školskoj godini 2016./2017. upisati samo učenike prvog razreda u struke i zanimanja koja, na prijedlog Škole, odobri Ministarstvo obrazovanja, nauke, kulture i sporta (u daljnjem tekstu: Ministarstvo).

III. UPRAVLJANJE I RUKOVOĐENJE ŠKOLOM

Član 7.

(Upravni odbor Škole)

(1) Školom upravlja Upravni odbor Mješovite srednje škole "Jajce" (u daljnjem tekstu: Upravni odbor Škole).

(2) Upravni odbor Škole obavlja poslove propisane Zakonom o srednjoj školi i statutom Škole.

Član 8.

(Sastav Upravnog odbora Škole)

(1) Upravni odbor Škole ima pet članova, a to su:

- a) jedan član iz reda zaposlenika Škole;
- b) jedan član iz reda osnivača Škole;
- c) jedan član iz reda lokalne zajednice;
- d) dva člana iz reda vijeća roditelja učenika Škole.

(2) Sastav Upravnog odbora Škole mora odražavati nacionalnu strukturu učenika Škole, roditelja učenika Škole, školskoga osoblja i lokalne zajednice, u skladu sa zakonom.

(3) Izbor, imenovanje i rad te razrješenje članova Upravnog odbora Škole provodi se u skladu sa Zakonom o srednjoj školi.

Član 9.

(Direktor škole)

(1) Direktor škole rukovodi Školom u skladu sa zakonom i statutom Škole.

(2) Direktor Škole je odgovoran za zakonitost rada i stručni rad Škole.

(3) Direktor Škole obavlja poslove u skladu sa zakonom, ovom odlukom, statutom i ostalim općim aktima Škole.

(4) Izbor, imenovanje i rad te razrješenje direktora Škole provodi se u skladu sa Zakonom o srednjoj školi.

Član 10.

**(Djelokrug i način odlučivanja
Upravnog odbora Škole i direktora Škole)**

Djelokrug i način odlučivanja Upravnog odbora Škole i direktora Škole, način predlaganja članova Upravnog odbora, kao i uvjeti i razlozi za razrješenje članova Upravnog odbora, odnosno raspuštanje Upravnog odbora te način rada Upravnog odbora Škole pobliže se uređuje statutom Škole, u skladu s ovom odlukom i zakonom.

Član 11.

(Ostala stručna tijela Škole i vijeća u Školi)

Ostala stručna tijela Škole i vijeća u Školi, kao i njihov djelokrug rada uređuju se statutom Škole usklađenim sa zakonom i podzakonskim propisima donesenim na osnovu zakona.

IV. SREDSTVA ZA RAD ŠKOLE

Član 12.

(Sredstva za rad Škole)

- (1) Za osnivanje i početak rada Škole osiguravaju se sredstva u Budžetu Srednjobosanskog kantona.
- (2) Za obavljanje djelatnosti iz člana 6. ove odluke Škola će od Srednje škole "Nikola Šop", Jajce, i Srednje strukovne škole "Jajce", Jajce, preuzeti dio prostora i opreme te nastavna sredstva i pomagala u skladu sa sporazumom koji će srednje škole međusobno sklopiti, uz prethodnu saglasnost Ministarstva u ime osnivača Škole.

Član 13.

(Imovina Škole)

Imovinu Škole čine sredstva za rad koja se preuzmu sporazumom iz stava (2) člana 12. ove odluke, sredstva pribavljena od osnivača, sredstva stečena pružanjem usluga te pribavljena iz ostalih zakonom propisanih izvora.

Član 14.

(Sredstva za rad i obavljanje djelatnosti Škole)

Sredstva za rad i obavljanje djelatnosti Škole osiguravaju se u Budžetu Srednjobosanskog kantona, prihodima koji se ostvaruju obavljanjem vlastite djelatnosti i drugim namjenskim prihodima, uplatama roditelja učenika Škole za posebne usluge i aktivnosti Škole, donacijama i ostalim izvorima u skladu sa zakonom.

V. MEĐUSOBNA PRAVA I OBAVEZE OSNIVAČA ŠKOLE I ŠKOLE

Član 15.

(Obaveze u pravnom prometu)

- (1) Škola je odgovorna za svoje obaveze sredstvima kojima raspolaže.
- (2) Osnivač je supsidijarno odgovaran za obaveze Škole.

Član 16.

(Statusne promjene i obavljanje djelatnosti Škole)

- (1) Osnivač Škole donosi odluku o nazivu i sjedištu Škole te o promjeni naziva i sjedišta Škole, odlučuje o promjeni djelatnosti Škole, donosi odluke o statusnim promjenama i prestanku Škole, kao i ostale odluke u okviru zakonskih ovlaštenja osnivača.
- (2) Škola je dužna obavljati djelatnost za koju je osnovana te izvršavati obaveze u skladu sa zakonom, provedbenim propisima, svojim općim aktima i odlukama osnivača Škole.

Član 17.

(Međusobna prava i obaveze osnivača Škole i Škole)

Na međusobna prava i obaveze osnivača Škole i Škole koja nisu utvrđena ovom odlukom primjenjuje se Zakon o srednjoj školi i Zakon o ustanovama.

VI. AKTI ŠKOLE

Član 18.

(Akti Škole)

- (1) Akti Škole su statut te ostali opći i pojedinačni akti.
- (2) Statutom Škole pobliže se uređuje organizacija, ovlaštenja i način odlučivanja pojedinih tijela Škole, izricanje pedagoških mjera te ostala pitanja važna za obavljanje djelatnosti i poslovanje Škole.
- (3) Statut Škole donosi Upravni odbor Škole, uz prethodnu saglasnost Ministarstva u ime osnivača Škole.

VII. PRIJELAZNE I ZAVRŠNE ODREDBE

Član 19.

(Postupak imenovanja članova Upravnog odbora Škole)

- (1) Vlada Srednjobosanskog kantona (u daljnjem tekstu: Vlada Kantona) imenovat će članove Upravnog odbora Škole, na prijedlog Ministarstva, u roku od 30 dana nakon donošenja ove odluke.

Član 20.

(Postupak imenovanja direktora Škole)

(1) Postupak imenovanja direktora Škole pokrenut će se najkasnije u roku od 60 dana nakon donošenja statuta Škole na način utvrđen Zakonom o srednjoj školi.

(2) Do imenovanja direktora Škole prema postupku utvrđenom statutom Škole, poslove vršioca dužnosti direktora Škole, u skladu sa zakonom i ovom odlukom, obavljat će osoba koju u ime osnivača imenuje Vlada Kantona, na prijedlog Ministarstva, posebnim aktom.

Član 21.

(Vršilac dužnosti direktora Škole)

Vršilac dužnosti direktora Škole će obaviti sljedeće poslove:

- a) pribaviti potrebne dozvole za početak rada Škole;
- b) predložiti Upravnom odboru Škole privremeni statut, uz prethodnu saglasnost Ministarstva;
- c) podnijeti Ministarstvu zahtjev za početak rada Škole;
- d) obaviti poslove u vezi s primopredajom dijela školske zgrade i opreme, poslove u vezi s upisom učenika u prvi razred i preuzimanjem dijela zaposlenika, planirati organizovanje rada Škole, odnosno pripreme za početak rada Škole, obaviti pravne radnje u vezi s početkom rada Škole i konstituisanjem tijela Škole te podnijeti prijavu za upis u sudski registar;
- e) kao i ostale poslove i zadatke utvrđene zakonom i drugim propisima.

Član 22.

(Privremeni statut Škole)

(1) Upravni odbor Škole donijet će privremeni statut Škole, uz prethodnu saglasnost Ministarstva u ime osnivača, u skladu sa zakonom, u roku od 30 dana od dana stupanja na snagu ove odluke.

(2) Statut iz stava (1) ovoga člana primjenjivat će se dok Upravni odbor Škole ne donese novi statut u skladu sa zakonom.

(3) Statut Škole donijet će Upravni odbor Škole u roku od 60 dana od dana konstituisanja, odnosno najkasnije do početka nove školske godine 2016./2017.

(4) Nakon okončanja postupka upisa u sudski registar i registar Ministarstva, Upravni odbor Škole će donijeti odluku o raspisivanju konkursa za izbor i imenovanje direktora Škole, u skladu s propisanim zakonskom procedurom.

Član 23.

(Upisivanje u registre)

Škola se upisuje u sudski registar i time stječe svojstvo pravnoga lica te u Registar srednjih škola koji vodi Ministarstvo, čime stječe pravo obavljanja djelatnosti.

Član 24.

(Preuzimanje zaposlenika)

Danom upisa u sudski registar Škola preuzima djelomično ili potpuno one zaposlenike iz Srednje škole "Nikola Šop", Jajce, i Srednje strukovne škole "Jajce", Jajce, za struke i zanimanja potrebne za obavljanje djelatnosti, i ostale po potrebi, prema sporazumu s tom školom, u broju potrebnom za izvođenje djelatnosti Škole, a koji ispunjavaju stručne uvjete utvrđene propisima.

Član 25.

(Stupanje na snagu Odluke)

Ova odluka stupa na snagu osmoga dana nakon objave u "Službenim novinama Srednjobosanskog kantona".

Broj: 01-02-425/16

PREDSJEDAVAJUĆI SKUPŠTINE

13. jula 2016.

Travnik

Josip Kvasina, s. r.

**

403

Na osnovu članova 3., 5. i 6. Zakona o ustanovama ("Službeni list Republike Bosne i Hercegovine", broj: 6/92, 8/93 i 13/94), stava 2. člana 6. Zakona o osnovnoj školi ("Službene novine Srednjobosanskog kantona", broj: 11/01 i 17/04), Zaključka Skupštine Srednjobosanskog kantona, broj: 01-38-345/16 od 2. juna 2016. godine, te člana 109. Poslovnika Skupštine Srednjobosanskog kantona ("Službene novine Srednjobosanskog kantona", broj: 01-38-345/16 od 2. juna 2016. godine).

kantona", broj: 3/04 i 6/13), Skupština Srednjobosanskog kantona, na XVI. sjednici održanoj 12. jula 2016. godine, donosi

O D L U K U
O PODJELI OSNOVNE ŠKOLE
"BERTA KUČERA", JAJCE

I. OSNOVNE ODREDBE

Član 1.

(Statusne promjene)

(1) Javna ustanova za odgoj i obrazovanje Osnovna škola "Berta Kučera", Jajce, upisana je u Registar Rješenjem Višega suda u Zenici, broj U/I-722/95 od 5. decembra 1995. godine, sa sjedištem u Vincu, a na osnovu Odluke o osnivanju Javne ustanove Osnovna škola "Berta Kučera", Jajce, broj: 02-255/95 od 31. oktobra 1995. godine.

(2) Osnovna škola iz stava (1) ovoga člana prethodno je bila registrovana u Okružnom privrednom sudu u Banjoj Luci, Rješenjem toga suda, broj U/I-40/78 od 7. januara 1978. godine.

(3) Rješenjem Kantonalnog suda u Travniku, broj US/II-12/03 od 18. februara 2003. godine, upisana je promjena sjedišta Osnovne škole "Berta Kučera", Jajce, i to adresa: Jajce, Fra Antuna Kneževića b. b.

(4) U skladu sa Zakonom o osnovnoj školi ("Službene novine Srednjobosanskog kantona", broj: 11/01 i 17/04) i Pedagoškim standardima za osnovne škole ("Službene novine Srednjobosanskog kantona", broj: 8/05), Škola navedena u stavu (1) ovoga člana dijeli se na dva samostalna pravna subjekta.

Član 2.

(Osnivanje Škole)

Ovom odlukom osniva se redovna Osnovna škola "Jajce" kao javna ustanova za trajno obavljanje djelatnosti osnovnoga odgoja i obrazovanja, na osnovu odobrenog nastavnoga plana i programa koji će se izvoditi na jezicima i pismima konstitutivnih naroda, podjelom područnih škola Osnovne škole "Berta Kučera", Jajce:

- a) Područne škole Kruščica;
- b) Područne škole Kuprešani;
- c) Područne škole Divičani;
- d) Područne škole Bešpelj;
- e) Područne škole Smionica.

Član 3.

(Naziv i sjedište Škole)

(1) Naziv škole je: Osnovna škola "Jajce" (u daljnjem tekstu: Škola).

(2) Sjedište Škole je u mjestu Kruščica, općina Jajce.

Član 4.

(Svojstvo pravnoga lica)

(1) Škola je pravno lice.

(2) Škola je samostalna u obavljanju svoje djelatnosti i u svome poslovanju u skladu sa zakonom, propisima utemeljenim na zakonu, ovom odlukom i statutom Škole te stručnim normama, savremenim naučnim postignućima i pravilima struke.

Član 5.

(Zastupanje i predstavljanje Škole)

U pravnom prometu Školu zastupa i predstavlja direktor Škole, u skladu sa zakonom.

Član 6.

(Osnivač Škole)

Osnivač Škole je Skupština Srednjobosanskog kantona.

II. DJELATNOST ŠKOLE

Član 7.

(Djelatnost Škole)

(1) Škola obavlja djelatnost osnovnog odgoja i obrazovanja koja obuhvaća opće obrazovanje te druge oblike obrazovanja djece i omladine.

(2) Djelatnost Škole se ostvaruje na osnovu odobrenog nastavnoga plana i programa za osnovno devetogodišnje obrazovanje, na jezicima i pismima konstitutivnih naroda, te osiguranjem odgovarajućega broja učitelja, nastavnika i stručnih saradnika pod uvjetima i na način propisan nastavnim planom i programom, pedagoškim standardima i zakonom.

III. UPRAVLJANJE I RUKOVOĐENJE ŠKOLOM

Član 8.

(Upravni odbor Škole)

- (1) Školom upravlja Upravni odbor Osnovne škole "Jajce" (u daljnjem tekstu Upravni odbor Škole).
- (2) Upravni odbor Škole obavlja poslove propisane Zakonom o osnovnoj školi i statutom Škole.

Član 9.

(Sastav Upravnog odbora Škole)

- (1) Upravni odbor Škole ima pet članova, a to su:
 - a) jedan član iz reda zaposlenika Škole;
 - b) jedan član iz reda osnivača Škole;
 - c) jedan član iz reda lokalne zajednice;
 - d) dva člana iz reda vijeća roditelja učenika Škole.
- (2) Sastav Upravnog odbora Škole mora odražavati nacionalnu strukturu učenika Škole, roditelja učenika Škole, školskoga osoblja i lokalne zajednice, u skladu sa zakonom.
- (3) Izbor, imenovanje i rad te razrješenje članova Upravnog odbora Škole provodi se u skladu sa zakonskim propisima.

Član 10.

(Direktor Škole)

- (1) Direktor Škole rukovodi Školom u skladu sa zakonom i statutom Škole.
- (2) Direktor Škole je odgovoran za zakonitost rada i stručni rad Škole.
- (3) Direktor Škole obavlja poslove u skladu sa zakonom, ovom odlukom, statutom i drugim općim aktima Škole.
- (4) Izbor, imenovanje i rad te razrješenje direktora Škole provodi se u skladu sa Zakonom o osnovnoj školi.

Član 11.

(Djelokrug i način odlučivanja Upravnog odbora Škole i direktora Škole)

Djelokrug i način odlučivanja Upravnog odbora Škole i direktora Škole, način predlaganja članova Upravnog odbora, kao i uvjeti i razlozi za razrješenje članova Upravnog odbora, odnosno raspuštanje Upravnog odbora te način rada Upravnog odbora Škole pobliže se uređuju statutom Škole, u skladu s ovom odlukom i zakonom.

Član 12.

(Ostala stručna tijela Škole i vijeća u Školi)

Ostala stručna tijela Škole i vijeća u Školi, kao i njihov djelokrug rada uređuju se statutom Škole usklađenim sa zakonom i podzakonskim propisima donesenim na osnovu zakona.

IV. SREDSTVA ZA RAD ŠKOLE

Član 13.

(Sredstva za rad Škole)

- (1) Za osnivanje i početak rada Škole osiguravaju se sredstva u Budžetu Srednjobosanskog kantona.
- (2) Za obavljanje djelatnosti iz člana 7. ove odluke Škola od Osnovne škole "Berta Kučera", Jajce, preuzima prostor, opremu, nastavna sredstva i pomagala te pedagošku dokumentaciju koju su koristile područne škole iz člana 2. ove odluke, u skladu sa sporazumom koji će osnovne škole međusobno sklopiti, uz prethodnu saglasnost resornoga ministarstva u ime osnivača Škole.

Član 14.

(Imovina Škole)

Imovinu Škole čine sredstva za rad koja se preuzmu sporazumom iz stava (2) člana 13. ove odluke, sredstva pribavljena od osnivača Škole i stečena pružanjem usluga te sredstva pribavljena iz drugih zakonom propisanih izvora.

Član 15.

(Sredstva za rad i obavljanje djelatnosti Škole)

Sredstva za rad i obavljanje djelatnosti Škole osiguravaju se u Budžetu Srednjobosanskog kantona, prihodima koji se ostvaruju obavljanjem vlastite djelatnosti i drugim namjenskim prihodima, uplatama roditelja učenika Škole za posebne usluge i aktivnosti Škole, donacijama i ostalim izvorima u skladu sa zakonom.

V. MEĐUSOBNA PRAVA I OBAVEZE ŠKOLE I OSNIVAČA ŠKOLE

Član 16.

(Obaveze u pravnom prometu)

- (1) Škola je odgovorna za svoje obaveze sredstvima kojima raspolaže.
- (2) Osnivač Škole je supsidijarno odgovaran za obaveze Škole.

Član 17.

(Statusne promjene i obavljanje djelatnosti Škole)

(1) Osnivač Škole donosi odluku o nazivu i sjedištu Škole te o promjeni naziva i sjedišta Škole, odlučuje o promjeni djelatnosti Škole, donosi odluku o statusnim promjenama i prestanku Škole, kao i ostale odluke u okviru zakonskih ovlaštenja osnivača Škole.

(2) Škola je dužna obavljati djelatnost za koju je osnovana te izvršavati obaveze u skladu sa zakonom, provedbenim propisima, svojim općim aktima i odlukama osnivača Škole.

Član 18.

(Međusobna prava i obaveze osnivača Škole i Škole)

Na međusobna prava i obaveze osnivača Škole i Škole koja nisu utvrđena ovom odlukom primjenjuje se Zakon o osnovnoj školi i Zakon o ustanovama.

VI. AKTI ŠKOLE

Član 19.

(Akti Škole)

- (1) Akti Škole su statut te drugi opći i pojedinačni akti.
- (2) Statutom Škole pobliže se uređuje organizacija, ovlaštenja i način odlučivanja pojedinih tijela Škole, izricanje pedagoških mjera te ostala pitanja važna za obavljanje djelatnosti i poslovanje Škole.
- (3) Statut Škole donosi Upravni odbor Škole, uz prethodnu saglasnost Ministarstva obrazovanja, nauke, kulture i sporta (u daljnjem tekstu: Ministarstvo) u ime osnivača Škole.

VII. PRIJELAZNE I ZAVRŠNE ODREDBE

Član 20.

(Postupak imenovanja Upravnog odbora Škole)

Vlada Srednjobosanskog kantona će, na prijedlog resornoga ministarstva, imenovati Upravni odbor Škole u roku od 30 dana nakon donošenja ove odluke.

Član 21.

(Postupak imenovanja direktora Škole)

(1) Postupak imenovanja direktora Škole pokrenut će se najkasnije u roku od 60 dana nakon donošenja statuta Škole, na način utvrđen Zakonom o osnovnoj školi.

(2) Do imenovanja direktora Škole prema postupku utvrđenom statutom Škole, poslove vršioca dužnosti direktora Škole, u skladu sa zakonom i ovom odlukom, obavljat će osoba koju imenuje Vlada Kantona u ime osnivača Škole, na prijedlog resornoga ministarstva, posebnim aktom.

Član 22.

(Vršilac dužnosti direktora Škola)

Vršilac dužnosti direktora Škole će obaviti sljedeće poslove:

- a) pribaviti potrebne dozvole za početak rada Škole;
- b) predložiti Upravnom odboru Škole privremeni statut, uz prethodnu saglasnost Ministarstva;

- c) podnijeti Ministarstvu zahtjev za početak rada Škole;
- d) poslove u vezi s primopredajom školske zgrade i opreme, poslove u vezi s preuzimanjem učenika i zaposlenika, planirati organizovanje rada Škole, odnosno pripreme za početak rada Škole, obaviti pravne radnje u vezi s početkom rada Škole i konstituisanjem organa Škole, te podnijeti prijavu za upis u sudski registar;
- e) kao i ostale poslove i zadatke utvrđene zakonom i drugim propisima.

Član 23.

(Privremeni statut Škole)

(1) Upravni odbor Škole donijet će privremeni statut Škole, uz prethodnu saglasnost Ministarstva u ime osnivača Škole, u skladu sa zakonom, u roku od 30 dana od dana stupanja na snagu ove odluke.

(2) Statut iz stava (1) ovoga člana primjenjivat će se dok Upravni odbor Škole ne donese novi statut u skladu sa zakonom.

(3) Statut Škole donijet će Upravni odbor Škole u roku od 60 dana od dana konstituisanja, odnosno najkasnije do početka nove školske godine 2016./2017.

(4) Upravni odbor Škole će, nakon okončanja postupka upisa u sudski registar i registar Ministarstva, donijeti odluku o raspisivanju konkursa za izbor i imenovanje direktora Škole u skladu s propisanom zakonskom procedurom.

Član 24.

(Upisivanje u registre)

Škola se upisuje u sudski registar i time stječe svojstvo pravnoga lica, te u Registar osnovnih škola koji vodi Ministarstvo, čime stječe pravo obavljanja djelatnosti.

Član 25.

(Preuzimanje zaposlenika)

Danom upisa u sudski registar Škola preuzima zaposlenike iz područnih škola Osnovne škole "Berta Kučera", Jajce, iz člana 2. ove odluke, i ostale, prema potrebi, prema sporazumu s tom školom, u broju potrebnom za izvođenje djelatnosti Škole, a koji ispunjavaju stručne uvjete utvrđene propisima.

Član 26.

(Stupanje na snagu Odluke)

Ova odluka stupa na snagu osmoga dana nakon objave u "Službenim novinama Srednjobosanskog kantona".

Broj: 01-02-426/16

13. jula 2016.

Travnik

PREDSJEDAVALAČI SKUPŠTINE

Josip Kvasina, s. r.

**

404

Na osnovu tačke c) stava 1. člana 41. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04) i članova 159. i 160. Poslovnika Skupštine Srednjobosanskog kantona ("Službene novine Srednjobosanskog kantona", broj: 3/04 i 6/13), Skupština Srednjobosanskog kantona, na XVI. sjednici održanoj 12. jula 2016. godine, donosi

O D L U K U
O USVAJANJU STRATEGIJE
RAZVOJA SREDNJOBOSANSKOG KANTONA
ZA PERIOD 2016. – 2020. GODINA

Član 1.

Skupština Srednjobosanskog kantona usvaja Strategiju razvoja Srednjobosanskog kantona za period 2016. – 2020. godina (u daljnjem tekstu: Strategija), koja je sastavni dio ove odluke.

Član 2.

Zadužuju se svi nosioci implementacije projekata i aktivnosti da u toku provođenja pojedinih mjera, prilikom izrade godišnjih programa rada i programa utroška sredstava Budžeta Srednjobosanskog kantona, planiraju njihovu implementaciju, kao i potrebna finansijska sredstva.

Član 3.

Ova odluka stupa na snagu narednoga dana od dana objave u "Službenim novinama Srednjobosanskog kantona", a tekst Strategije će biti objavljen na službenoj web stranici Vlade Srednjobosanskog kantona.

Broj: 01-02-427/16

13. jula 2016.

Travnik

PREDSJEDAVALAČI SKUPŠTINE

Josip Kvasina, s. r.

**

**NEZAVISNI ODBOR
ZA IZBOR I REVIZIJU**

405

Na osnovu alineje 11. stava 2. člana 9. Poslovnika Nezavisnog odbora za izbor i reviziju, Nezavisni odbor za izbor i reviziju, na Konstituirajućoj sjednici Nezavisnog odbora za izbor i reviziju održanoj 28. juna 2016. godine, donosi

**O D L U K U
O IZBORU PREDSJEDNIKA
NEZAVISNOG ODBORA ZA IZBOR I REVIZIJU
I POTPREDSJEDNIKA
NEZAVISNOG ODBORA ZA IZBOR I REVIZIJU**

I.

Za predsjednika Nezavisnog odbora za izbor i reviziju izabran je DALIBOR ŠANTIĆ, diplomirani pravnik, iz Busovače.

II.

Za potpredsjednika Nezavisnog odbora za izbor i reviziju izabran je MIDHAT SARAJČIĆ, bachelor opće kineziologije, iz Travnika.

III.

Ova odluka stupa na snagu danom donošenja i objavit će se u "Službenim novinama Srednjobosanskog kantona".

Broj: 04-04-392-2/16
28. juna 2016.

Travnik

PREDSJEDNIK
NEZAVISNOGA ODBORA
ZA IZBOR I REVIZIJU
Dalibor Šantić, s. r

**

S A D R Ź A J

400 Ukaz o proglašenju Zakona o izmjenama i dopunama Zakona o šumama

401 Zakon o izmjenama i dopunama Zakona o šumama

402 Odluka o osnivanju Mješovite srednje škole "Jajce"

403 Odluka o podjeli Osnovne škole "Berta Kučera", Jajce

404 Odluka o usvajanju Strategije razvoja Srednjobosanskog kantona za period 2016. – 2020. godina

405 Odluka o izboru predsjednika Nezavisnog odbora za izbor i reviziju i potpredsjednika Nezavisnog odbora za izbor i reviziju (*Dalibora Šantića Midhata Sarajčića*)